



Norsk Filminstitutt
Postboks 482 Sentrum

0105 OSLO

Høyringsuttale - ny føresegn om tilskot til audiovisuell produksjon

Vi viser til dykkar høyring om ny føresegn om tilskot til audiovisuell produksjon av 01.02.16 med høyringsfrist 01.06.16.

Sogn og Fjordane fylkeskommune vil her avgrense seg til å peike på eit tilhøve som har med språk å gjere.

Bakgrunn:

Vi viser til vedlagte «*Forskrift om tilskudd til produksjon og formidling av audiovisuelle verk*» § 1 Overordnet formål for alle ordninger
Tilskudd som er hjemlet i denne forskriften skal bidra til å oppfylle gjeldende mål på det audiovisuelle området.

Tilskuddene skal bidra til

- a) *et bredt og variert tilbud av audiovisuelle produksjoner av høy kulturell verdi og kunstnerisk kvalitet,*
- b) *at audiovisuelle verk når et stort publikum i Norge og utlandet,*
- c) *god formidling av norsk og utenlandsk filmkultur,*
- d) *en profesjonell, likestilt audiovisuell bransje med sunn økonomi samt*
- e) *styrke norsk og samisk språk, identitet og kultur.»*

Vi viser også til «*Tilskudd til audiovisuell produksjon (Underforskrift)*»

Her vert det vist til § 1-4, Kulturtesten, som er ein terskel for å verte vurdert og handsama. Kulturtesten skal definere kva som er eit kulturprodukt i norske tilskotsordningar, og som med det er kvalifisert til å få statlig tilskot. M.a. er dette kriteriet vurdert i kulturtesten: «*1. Manuskript eller litterært forelegg er originalskrevet på norsk eller samisk*».

Vår uttale:

Vi viser til at vi i Norge har to likestilte målformer, skriftspråknormalane bokmål og nynorsk. Desse er sidestilt i alle offentlege organ. Vi ber difor om at målformene vert innarbeidd i føresegnene, t.d. gjennom ei endring i § 1 e) *styrke norsk (nynorsk og bokmål) og samisk språk, identitet og kultur.*

Det same gjeld kulturtesten §1-4: *1. Manuskript eller litterært forelegg er originalskrevet på norsk (bokmål og nynorsk) eller samisk.*

Vi ber også om at desse forskriftene vert utarbeidd på nynorsk.

Med helsing

Ingebjørg Erikstad
ass fylkesdirektør for kultur og næring

Sissel Lillebø Aarseth
fagkoordinator

Brevet er elektronisk godkjent og er utan underskrift

Kopi: Hovudutval for næring og kultur